


袁州府志



序

余自乾隆庚午承乏贛之安遠  
 贛為江右上游山高水清自豫  
 章溯流而南幾千里山川委折  
 仵為南服輿區歲乙亥奉調臨  
 川臨川為人才淵藪盱汝合流  
 川原多秀發之氣三年學製竊

袁州府志

卷首

敬序

慕乎河上之風焉丁丑之秋奉  
 命佐瑞州府事而別駐銅鼓未幾即  
 兼吉篆吉密邇於贛風土人物  
 一如在安遠時也已郊冬復自  
 吉移署撫州臨川為撫屬邑民  
 物吾昔所拊循也名山勝水吾  
 昔所遊眺也回思宰安以後迄



今十載車馬舟檣幾遍江右而予之所以上圖報稱下慰民望者顧何日不兢；也今年秋捧檄來袁而前守陳公纂輯郡志造成披覽之餘網舉目張網羅散失補綴缺遺以成一郡完書蓋大有造於袁也袁於吉為

鄰郡自予守吉時即聞陳公為政精勤而銳於事今閱全志見其一切興除均切民生利弊以所見証所聞益信陳公之為政固宜俎豆於袁者矣夫袁僻處江右西偏山深水秀民生不見外事相安於詩書畎畝之

業純樸近古亦其風氣然也予  
遍歷諸郡尚文者則傷於詐尚  
質者則近於鄙今入袁伊始採  
風問俗耳目所經士無佻巧之  
習民有敦龐之遺袁之風其在  
文質之間乎然吾嘗聞古人之  
治有數月之間而民之服教畏

神歷千百載如一日者則韓昌  
黎之於袁是也昌黎刺袁數月  
而袁之文教大興唐宋以來為  
諸郡冠予何敢上慕古人益亦  
欲以一日之展布期與吾民共  
安之則以治吉治撫者移之以  
治袁或庶幾少有所效乎予既

喜 陳公之所留遺者甚遠而  
躬逢盛事得以載筆簡端並垂  
不朽有厚幸焉是為序

乾隆二十五年孟秋月中浣  
賜進士出身署袁州府事瑞州府同  
知長白敏文撰



貴陽陳君治袁之五年政成而民和  
目以公餘蒐緝郡志謁序於余，自  
辛未壬申間以學使者按部再至袁  
州車輿舟楫之所經由民物異安江  
山重掩而都人士之籍博士者類皆  
質慤而有文章厥後承乏楚藩往來  
復假道于茲土儒衣冠迎謁道左者

湯序一

鱗次櫛比數十里不絕殷然有敬師  
儒崇長上之心其醇謹有足多者間  
嘗攷其山川案其圖牒林巒洞壑擢  
秀鍾竒迫于王程不獲逖覽然愛其  
俗厚而境清未嘗一日釋諸懷也夫  
豫章于三代為荒服而宜春諸邑舊  
隸九江蓋其地接瀟湘與長沙

相錯蹇芳攬秀猶有騷人之遺而蕭  
柳王韓之徒之蒞是邦者皆能吮之  
以渥惠澤之以詩書一變其楚南剽  
曠之習而治日益進于古然自有明  
三百年困於重賦呼籲無所聞筠袁  
之交遂為瘠土又幸遭逢  
聖世軫念民艱沛然下寬大之

湯序二

詔悉蠲其兩稅之溢額者百年煦嫗  
以迄於今民皆蹈德咏仁和親康樂  
衣食于畝畝而秀良之彥以文行相  
砥錯蔚然有師法可觀夫山川之靈  
泚既如彼習俗之醇美又如此則訂  
譌補闕以勒成一書又烏可以已乎  
余重来江右訪獻徵文如童宗說宜

春志王孚安成記羅誘傳信錄書缺  
有間不復得觀而陳君砮、編摹義  
例謹審抑亦可踵美前哲以俟太史  
氏之觀采也若夫五臺三峽之勝石  
乳洪陽之竒展卷遇之如列几席則  
又余曩者觀覽之所未周而為之悠  
然神往者已

湯序三

乾隆二十有五年歲在庚辰孟夏之  
月江西布政使仁和湯聘撰并書





重修袁州府志序

袁郡之有志也自宋嘉定始也其前不可得聞矣嘉定原本則又明嘉靖丙午間嚴少師秉政時得諸秘閣與二三太史合前後志而纂輯成書者也厥後黃

公鳴喬之重修廖公文英之續刻吳公泰巖之補刊其書今概無傳焉迨我

朝康熙丁未前守李公芳春觀舊志殘缺於是採撫遺文旁收廣攬與湖西監司施愚山先生手自裁定頗稱完備迄今已九十

餘年矣歲乙亥予奉

命來守是邦首即索取全志欲以周覽數千百年之掌故洞觀一郡四邑之情形奈歲月以遠字畫漫滅因思表為江右名郡山川風俗之美人物文章之盛韓李二公之所培植盧鄭諸先輩後

先輝映其間惟是舊志修於兵燹之後載籍散佚蒐羅匪易前人加意搜求展轉八九年間猶不能無缺遺之嘆况閱茲九十餘年之久缺焉無紀則一切事跡其不滅沒於荒烟蔓草間者幾希矣當是時予方心識焉而

未逮而修廢舉墜實未嘗一日  
去諸懷夫志猶史也所以紀實  
也事不目見耳聞洞悉本末而  
驟欲於殘編斷簡中揆其梗槩  
文書案牘內僅取大端則不全  
不備其所遺漏缺畧者又豈可  
勝道哉予自履任以來歷今五

稔四境之風土宛然在目也山  
川里道之夷險人物戶口之豐  
繁固一一身歷之而親見之也  
士敦廉介之守女尚節烈之操  
聞風而想見其人考行而更著  
其實也布帛菽粟而外別無珍  
竒桑麻耕讀之業共相保聚是

故闔一郡之風氣好尚五年之中其所得諸耳聞目見及所默識而心存者蓋不待披圖索記而一一能言其所以然然則斯志之修所以必待諸今日而不敢驟舉者非敢緩也况蒞任之初郡署之重葺昌黎書院之增

修學宮之整理城垣之建築渠道之修復諸工繼作經費維艱而絲毫不足以勞吾民蓋又不得不有所待也及今各工就緒年穀屢登閭閻無事政務肅清益欲與二三僚屬及四邑之紳士共泛容簪筆於太平之歲月以

樂觀斯舉之成也爰捐廉俸若  
干以為之倡而闔郡僚屬文武  
及四邑之紳士大夫咸謂百年  
曠典欣然共勩盛事固有所  
待而後起時固有所迫而後應  
非偶然也是舉也始事於秋八  
月竣事於冬十二月中間五閱

月凡一帙成予繙閱再四闕者  
補之訛者正之續增者釐定之  
而人物一志尤絲毫不敢假借  
務期懸諸國門俾無遺議稿成  
凡若干卷繕呈

大憲鑒定荷蒙獎借命付剞劂予  
思袁據江右上游萬疊巔屹江

流如帶烟火相望鷄犬之聲相聞民生其間食舊德而服先疇其熙熙然相忘於化日光天之下而不自知者蓋經我聖朝百有餘年之厚澤深仁涵濡養育而後得此於民也用是與諸君子藉手一日以上答

聖主擢用之恩仰酬各


大憲優容之德以盡吾心焉後之守斯土者覽斯編其亦知予今日之心也矣

時

二

乾隆二十五年歲次庚辰仲春月知江西袁州府事加二級紀錄

五次蕭山陳廷枚撰



袁州府志

卷首

陳序

七

原序

九邱之書不可殫而見矣然禹貢一編其於山川土地之別貢賦物產之宜靡不登載則去古雖遠學者尚於此乎有考後世郡邑圖志之作其幾是歟宜春為江右名郡韓文公典州日愛其賦稅及時人安吏循閭里無事異時因饑客嘗寄意於江山多勝游之句然風土之可紀者蓋非止江山一事而已却舊有志徃徃攷訂之不精詳而或失之煩簡而或失之畧牴牾重複覽者病焉而况距今六十年間事多興廢沿革則大書特書以貽悠遠誠當不一書而遂止也宗卿滕侯撫藩踰年一新簡陋典章文物尤所

袁州府志

卷首

原序

經意適命郡博士林君護新醴陵大夫張君耕博訪舊聞蒐輯放失隨事編摩臚分彙列釐為若干卷於是一郡四邑之事迹繁然如指諸掌將鈹木以永其傳延屬予為之序予晚學不足與斯文惟侯之為此州也約已厚下民懷吏孚講明利病以序罷行皆所以為一方長久慮也而束於簡書局於歲月有不得以盡行其志焉則是書之作豈為無意哉揭敷之米雖蠲而取於民者未盡平也折絹之令雖格而和買平糶之害未能除也珥筆之謗雖弭而風俗之醇猶未徧也防患之意雖至而李渠之利尚未復也至山州之氣未發田里之力未寬鬼習威而未革官府

備而未完變通而推廣之是豈無望於後之人乎予故考述侯之志著之篇首庶幾因其書以求其意有以充其惠於無窮云侯名強怒金華人也宋嘉定十三年十一月直龍圖閣宜春張嗣古撰

郡有志猶國有史也古者列國皆有史晉乘楚檮杌魯春秋是也後世作於朝廷者曰史於四方者曰志明興四方之志蓋爛然矣法雖與史異而疆域見焉土風物產著焉創建詳焉食貨兵防祠祀政教寓焉名臣詰士貞媛之風美列焉而後之曰史者所采錄又多於此焉據則志於四方固亦史也袁為江右大郡政賦視古侯國所出才賢文

袁州府志

卷首

原序

二

學忠節行誼之士炳靈毓秀彬彬所萃法宜有志舊有志譌舛闕誤觀者病之歲壬申嵩養疴鈴山太守姚侯惟寧以書來屬輯志謝不敏不獲於是稽郡乘觀星野櫛撫于史傳記之說網羅金石之文旁聽博聞山氓故老之譚以補益其事以為志是故首之圖境土別矣次之表沿革識矣次之創建食貨諸目官政具矣次之名官人物觀法者可考矣又次之文藝古今之制作備矣既成而自慙焉曰是惡足為志夫志繁則複簡則遺紊則失序昧則弗章銜文采則固實專溢美則近諛徇情則曲任已則愚一有於是則弗公弗公則無以示遠而垂戒夫惟不煩於詞而其